

**Protocol no. 60**  
**Sezzüda da mardi, 25 mai 2010, 20.00 – 22.15**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**Protocol**

Il protocol no. 58 dals 17 mai 2010 e no. 58 dal 18 mai 2010 vegnan approvats.

**509 021 FABRICA**  
**Corina e Men Caviezel – Local da tecnica – Saranschasch**

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

**510 021 FABRICA**  
**Sandra e Curdin Roner – Divers fabricats – Tuffarolas**

Sün dumonda da la famiglia Roner decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda corretta e fatta buna ed acclusa al permiss.
2. Il permiss dal Chantun (BAB) es part integrala da quist decret.
3. La saiv ha d'avair üna distanza da 50 cm davent da la via.
4. La tabla sto esser scritta eir in rumantsch.
5. La saiv sto avoir üna distanza da 2.5 m davent da l'aual.
6. Davo il temp da fittanza ston gnir levats tuot ils fabricats sün terrain cumünal.
7. Ün suottet per las chavras ha da gnir eret sün terrain privat.
8. Il patrun da fabrica ha da tour posiziun a regard ils intents realisats sainza permiss da fabrica.
9. Taxa chantunala BAB importa fr. 798.--.
10. Taxa da trattamaint da fr. 200.--.

**511 021 FABRICA**  
**Cumüna da Sent – Rimplazzamaint Trafo Saranschasch**

Il Cussagl cumünal decida da dar il permiss pel intent manzunà aint il titul cun seguaintas cundiziuns:

1. Tenor la dumonda e'ls plans fats bun ed acclus al permiss.
2. Il Cumün inchascha üna taxa da trattamaint da fr. 50.-- (scumpart intern).
3. Il dret per fabricar plü dastrusch es gnü concess.

512 021

**FABRICA**

**Alessandro Conti Puorger – Entrada üert**

Il Cussagl cumünal piglia cogniziun chi saja gnü, per manar davent material da s-chav, schlargià l'entrada da l'üert. Vezziond chi gnarà fat oura üna jada eir il tablà s'haja decis da laschar per intanta quell' entrada uschea e da schlargiar ils üschs da la jenna per total 50 cm.

513 021

**FABRICA**

**Jon Andri Pult – Abitaziuns aint il tablà – Plaz 153 A**

Il Cussagl cumünal decida da dar il permiss da fabrica seguaintamaing:

1. Tenor la dumonda e'ls plans acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr.	1'000.--
- taxa d'attach d'aua, prov.	1.5	%	fr.	15'000.--
- taxa d'attach chanalizaziun e sarinera, prov.	2.0	%	fr.	20'000.-- excl. ipv.
- taxa d'attach provedimaint electric, prov.	1.0	%	fr.	10'000.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fò sun part integrala dal permiss da fabrica.
5. Ils cuosts pel parair juridic van tenor art. 96 KRG a charg dal patrun da fabrica.
6. l'l local UG nu das-cha gnir dovrà sco abitaziun (fabrichar sainza chadafö).

514 300.319.01

**Festa dals 1. avuost**

**Tscherchè società**

Il Cussagl cumünal piglia cogniziun cha la Società da tregants nu fetscha plü l'ustaria dals 1. avuost. Il Cussagl decida da tscherchar tras il Mas-chalch üna società ch'id es pronta da surtour l'ustaria.

515 830.318.02

**Infrastructura – Pista dal sömmi**

**Indriz electric pel traquet a prouva da la pista dal sömmi**

Il Cussagl cumünal piglia cogniziun dal quint per tachar l'energia per innaiver il traquet a prouva (Plan da Muglins). Il quint es cun fr. 3'000.-- relativ ot. In quist connex as sclerischa giò ils detagls dal quint.

516 620.314.02

**Mantegnimaint general da vias**

**Differentas lavuors da catram**

Il schef da vias orientescha chi vegnan fattas, per fr. 37'255.--, differentas lavuors da catram in cumün. Quist import es büdschetà. Il manader tecnic ha pudü far giò ün meglder predscha al m2.

517 720.318.15

**La Fuorcha**

**Uorden deponia La Fuorcha**

I vain adüna amo miss giò La Fuorcha bler material illegal, impustüt aldüm. Il manar inavo las clavs nu funcziuna, adonta ils fr. 100.-- depot, adüna amo na. Sco masüra per megliorar la situaziun decida il Cussagl cumünal da far dar inavo las clavs e da far rumir ils aldümers e da spostar la barierra plü aval. Il Cussagl cumünal spetta eir amo plüssas propostas davart dal schef respunsabel.

**518 942.423.07 Chamonnas cumünalas**  
**Chamonna La Latta**

Il schef da god orientescha cha'l anteriur fittadin, Anton Schmidt, haja cumplettà la chamonna da La Latta cun plüssa mobiglia (maisa, banc e s-chaffa). Il cumün til indemnisescha percunter cun laina da fö. Il Cussagl cumünal piglia a cognizium quist infuormaziun.

**519 160 PROTECZIUN CIVILA**  
**Fittanza locals i'l schler da protecziun**

Il Cussagl cumünal piglia cognizium da plüssas dumondas per tour a fit, davo ch'id es eret il lavuratori cumünal, locals chi vegnan libers i'l schler da protecziun. Il Cussagl cumünal decida da scriver oura quists locals. Il cumanzamaint da la fittanza es previs pels 1. december 2010.

**520 Diversas schefs**  
**Fögls volants**

Il Cussagl cumünal piglia incunter l'infuormaziun chi saja gnü büttà süllas vias da cumün blers fögls volants cun ün cuntegn primitiv. Da quists fögls sun gnüts büttats eir in oters cumüns. Il Cussagl cumünal decida d'infuormar a la pulizia chantunala sur da quist cas e da far üna denunzcha causa insuos-chamaint dal terrain public.

L'actuar: